

沅
湘
耆
舊
集

沅湘耆舊集卷第五十九

新化鄧顛鶴湘臯編輯

長沙毛國翰青垣校訂

彭新興蠹

五十九首

蠹字秋水一字鈍叟本溧陽人少跌儻任俠抨文
網避難入滇中滇撫袁九敘與有舊以軍功薦官
雲南祿勸州知州外艱服闋再補新興州逆藩變
起挾之入楚跳而走粵將依故人顏澹叟方伯會
所知有官糊陽者贈以資時其弟琦卒官湖南寧
鄉令孤嫠不能歸因閒道返楚相依卜築遂爲長
沙人著放餘吟五百餘首以好古顏其堂其遭亂

蹤跡本末具見所作放還長沙追述往事用杜韻
詩彭氏家長沙久今永昌守舒萼棣樓其從孫也
聞余是集將成亟屬其弟舒英手寫成帙益以劉
氏江左流風集爲選存是卷多家楚後作可作詩
史讀當不致蒙借才之誚也

書勞狂茲卷後

野火焚嶧山江流齧遼鶴石鼓苦播遷詛楚傷剝落溫韜
掘昭陵鍾王散飄泊妙蹟鬼神妒斯理莫可度李公善碑
版四裔爭徵索妄羅肥失真雲麾雷電攫歎息大雅亡風
流久寂寞所幸嶽麓峯巍然存製作道勁見孤標耿介開
寥廓余生老鉛槧臨摹竊願學丙辰厄運會造物復作惡

樵蘇代祖龍赤燒捲枯籜遂令青玉姿頃刻生戰瘰賴有
元氣扶誰能卽顛仆勞子嗜古人驚聞走林壑檢點劫灰
中精光互磅礴共得十七字筆筆皆矩矱把翫對斜暉清
溪自浣濯懷袖歸去來几案紛追琢寄言北海守完毀各
有託長歌紀韻事什襲藏江閣

按湘潭秦偉士文超涵村詩集北海碑詩自注云
吳門勞激字在茲詩人也工畫寓嶽麓寺時李碑
週圍蒹葭草夜值山火延燒在茲全僧彌嵩率人運
水救熄而碑已焚燬落石三片上有十七字在茲
以錦囊盛之視爲至寶後遇吳逆兵變逃避于金
行李一無所願只負石囊出走人皆笑其癡癖相
城姚先生贈以句云十七字間三片石二千年遇
再來人眞藝林佳話也自在茲逝後此三石不知
落於何處故余詩及之據此有疑嶽麓碑係重刻
者今碑歸然古質剝落固千餘年物非可偽造也
或言經火後好事者復購得十七字膠而合之團
以傳亭今諦視上方有縱橫裂痕是也又按秦小

峴侍即藏按察湖南時曾同吾縣孫石溪學博起
棟啟視碑陰題名其下拓數紙出余親見之字畫
無完者竊疑當口遭兵燹時碑面仆地其陰燬受
燔灼故字無一完此真有神物護持之惜無人許
記爲可嘆也

悲歌

不揣分邊寄勞臣耐軼軻人煙三戶少山色萬重多問俗
時衷甲防秋夜枕戈束薪人易老痛定發悲歌

歸化寺前別昆明池

潏潏滇池水勞勞送客亭雲開雙塔白雨洗五華青遠浦
人煙亂漁梁草色腥何年重過此買艇碧蓮汀

過滇南勝境

原注在雲南平彝縣
貴州普安州交界處

過此非滇土生還信有期夢從今夜穩官滯十年危高年

掃秋迴閣雲出岫巒巒山千萬疊驛路日欽歛

過盤江鐵索橋二首

原注盤江山在貴州興義府安南縣東鳥道一盤山遠其下險

於蜀道

一水分中外天心慎取盈漢庭思蒞節使下昆明鐵綆通朝會鼉梁闕戰爭每聞風雨夜神鬼泣江聲

湘江雜詠

豈是耽遊覽飢來復出門寒雲飛嶽樹野艇繫江村未可忘名姓初能晦語言荒天欲作雪烏鳥稻畦喧

寂寞豪華子巾車江岸行過橋分雨色入夢聽濤聲古戍刁刁做寒燒鹿豕驚射鵬何處好沙遠暮雲平

煙雨湘潭上蕭蕭紅葉稀竹深難辨路雲冷不能飛遠浦

風帆亂空村鳥雀歸道旁垂白叟十月未成衣
鳥鼠空山暮魚龍積水寒綠煙村逕寒青嶂雨亭看舊館
人歸少新衾賦不寬亂離三十載培養亦云難

衰草迷千里隗囂此地過受降勞使相解甲委江沱雪壓
朱旗暗營開鐵馬多夜郎徒自大傳檄定畔阿

羣盜驅除盡西南夜罷兵如何經十室猶自困三征杼柚
牀頭倚狐狸屋脊鳴不須傷賈誼且望問蒼生

夕陽餘古木過水覓居停茆屋吹黃葉寒煙裊翠屏雞棲
山月白鹿飲野塘青薄酒難求醉悲風不忍聽

微官知未罷且復臥浮山白社容招隱青鞵任往還尋梅
沾雨雪拾橡聽潺湲偶過陶宏景嗟予鬢已斑

停車聽木落，拄杖過溪橋。
雞犬喧場圃，豺狼避野燒。
水空猶有霽，船淺亦乘潮。
莫恤晨霜冷，前村酒旆招。

湘江阻風

歸心徒欲速，兩夜石尤風。
月冷黃陵廟，霜殘銅渚楓。
衰親百里外，諸弟萬山中。
永夜難爲寐，偏聞沙際蟲。

壬子冬復之滇途次寧鄉哭亡弟子嵩明府

自注云子服闋

後復官雲南

握手河梁別，傷心十二年。
死生眞孝友，雨雪舊山川。
小市遺碑在，荒祠老樹圓。
桐鄉誠可戀，俎豆尙依然。
平生不苟哭，於此淚如泉。
藥裏曾分痛，繩牀幾共眠。
遠迎勞故吏，肥遯愧高賢。
重向天涯去，栖栖瀉水邊。

山行雜詠

遲暮仍爲客，栖栖入萬山。
釣屠容避世，僮僕怨無官。
聽鳥花千樹，看雲水一灣。
題詩寄郊島，寒瘦不須刪。
市醪如接淅，薄醉臥山家。
薜荔偏宜雨，荼蘼已著花。
傷心天地老，放眼夕陽斜。
莊舄無人識，長吟只自嗟。

零陵西竹寺晤黃澹若蔣宇臣周一五

城西竹林寺，下榻頗清幽。
迥脅汗名士，生還盡白頭。
驚魂仍讜語，手版共含羞。
放逐蒙寬大，愚溪好放舟。

壬戌粵西除夕

弧矢四方志，斯言良誤人。
他鄉除夕酒，漸老百年身。
放逐非無謂，悠閒足慰貧。
春帆歸嶽麓，石隱奉吾親。

題紀藥子畫冊

彥昇初下世遺物只圖書令子仍高隱眞州守做廬墨香
倪董法詩老謝顏餘俯仰成今古秋齋竹影疏
憇叟才名久超然物外身道於嵇阮近詩取性情眞白眼
看朝貴黃金結酒民浣花江上宅宗武莫憂貧

岳廟

唾手燕雲表殊非君相心東身歸大理完節葬荒林南國
搜金盡西湖納垢深從茲和議定雪窖老嶽欽

坐月

寒月光如晝披裘不忍眠關山同一照今古幾回圓野寺
圍煙竹疏星入水天荒村雞屢叫此際更淒然

暨陽除夕

客館逢除夕蕭然似野僧去留無不可得失又何曾竹杖
尋雙樹蒲團坐一鐙梅花陪寂寞瘦影映疏櫺

霜降

秋老霜初降空齋聞雁聲半窗殘月在一枕道心清爾自
虞矰繳吾方學釣耕湖南多滯穗宿食不須爭

諸將五首仍用杜韻

自注時大兵久圍滇城未下

昆明池上碧雞山聞道王師欲斬關貴主嗥飢珠玉數將
軍解甲翠微閒佳兵不計頭顱白好識甯忘海水殷

自注滇中

有昆池化血海之謠何事經年餘卽墨早期底定慰天顏

貔貅十倍困孤城未見登陴插素旌豈望入援回紇馬誰

積翠西來望裏尊黃冠野服叩雲門
開山人去香巖在問鼎功成信史存
蒙嶽千年傳帝釋孝陵抔土憶王孫
登臨不盡興亡感痛哭秋風何處村

絕巘盤空聳地形長風入谷門
雷霆高懸棧閣摩星路險
圻天門立石扇烏鳥每嘯山雨黑
袈裟常帶日痕青如今
休問江東事幽咽秦淮不忍聽

量錯初非謀國才延陵遠蹈實堪哀
龍潛大壑光難掩日
落寒林瘴不開溼洞每聞山鬼嘯
空龕時有古猿來還宮
後竟無消息白髮枯禪復自灰

按獅子山柱雲南武定府北
世傳建文出亡後龍潛於此

北平天甯寺重陽前一日

黃葉西風古寺深平原落日雁行沈持螯且醉桑乾酒采
菊閒穿祇樹林大業浮圖孤隼集完顏碑篆宿苔侵明朝
何處登高好莫使砧聲亂客心

主日

北風吹雪滿船頭歲行暮矣安可留幾年臘日一杯酒多
在寒江千里舟盡室瀟湘終是客先人封樹遠增憂生兒
切莫期聞達鄉里從來重少游

幽居懷廖大隱

樹裏寒齋鳥雀依安貧竟日掩荆扉無多故友書來少不
合時宜地客稀竹影寫牕文與可山光臨榻謝元暉明晨
拄杖城東野欲就先生話息機

五溪雜作

吾家蒼水亦多才，雨雪霏霏匹馬回。
杜戶簪書香海寺，鵬射獵望仙臺。
臥遊好句留清署，弔古奇文長綠苔。
今夜脊令原上宿，潭州秋雨必相哀。

王大中丞河工告成陳北溟徵詩刻石

建瓴千里瀉潭州，上下風帆不暫留。
禹績未全開嶽瀆，天工異代有伊周。
講求水利從輿論，驅使湘靈合衆流。
野老尋秋搖小艇，欣聞草澤起歌謳。

河形偃月大江邊，殊勝昆池鑿漢年。
畚鍤悉分元老俸，經營不費水師錢。
疏通熊繹山川脈，輻輳魚鹽賈客船。
近代誰能蝌蚪篆，磨崖並勒嶽峯邊。

見黃九煙先生手蹟

一代夷齊黃九煙偶披手蹟尙依然孝陵風雨千行淚草
澤衣冠四十年守道無煩高士傳安貧不受故人憐舊京
何地埋君骨好傍孤亭木末邊

懷古

青草湖邊古汨羅幾千年賸此煙波荒城寂寞樓臺少遠
浦蒼茫網罟多未俗豈知招屈子淫祠偏不祀湘娥只餘
放逐江村叟澤畔行吟續九歌

偶書

不知趨士待潛夫豈可脂韋失故吾手把一編朝曝背亭
餘雙樹夜燒烏窮瘡疾苦封章少要路寒暄啟事巖未必

東修行以上感恩知已正模劄

無題

紛紛郭隗已登臺何事騎驢戴笠來甯有固遷專史筆儘
多溫李擅詩才說書崇政金鋪埒侍讌漪蘭玉作杯問道
虞衡恢海甸羽林晴日試龍媒

草市

斜風細雨入茶陵草市灣頭偶一登遠水漲溪煙漠漠暮
雲籠樹影層層帘挑竹屋當鑪婦舟泊紅橋乞米僧就網
買魚旋作鱠開帆莫厭酒如澆

過灘

小艇重穿十八灘灘灘怒石轉驚湍千峯雨歇雙江漲兩

漢清春首身 卷五十一
岸花飛二月寒水底老蛟應局促空中野鶴自盤桓世閒
多少安危事都被沙鷗冷眼看

儲潭

儲君廟前潭 水清夜靜春江缺月生煙迷苦竹渾無色風
落殘花微有聲漁艇搖歸知浪起荒雞噉不到天明孤舟
只載書千葉枉卻老兵來打更

虔州

去年寒食五羊山今日春分章貢閒儘有漁樵陪杖履不
勞車馬出江關經過村落先謀酒逢著鶯花便解顏聞說
浮春池館盡荒煙瘦石水潺潺

原注泰和舊有蕭伯玉
先生浮春園今廢矣

送劉繼莊山中州北歸

青山碧水老漁樵謝客深居省見招簡易忽逢天下士清
言如聽月中簫最嫌禮法拘嵇阮休挾詩文入帝朝七十
衰翁無所屬夷門羸亥已寥寥

按繼莊名獻廷字君賢順天大興人其先本吳人
高吳久晚更遊楚尋復至吳垂老始北歸復反吳
卒嘗與萬季野同客崑山徐尚書家季野於書無
不讀獨心折繼莊繼莊於季野尚有不滿也顧平
生講學之友嚴事者曰梁谿顧酌滄衡山王而農
鮪琦亭集謂繼莊本末晚跡難考爲識其略於此

放還長沙山莊追述往事用少陵夔府百韻已復得
本韻三十六字冗長遷就情見乎辭

再命華陽野孤臣黑水邊馳驅經萬里忝竊未彌年問俗
村休駕看山雪滿船譽呼方寂爾廚傳任蕭然察察吾知
免蚩蚩亦屢遷代耕還種秫削稿問遺編掃籜蒼煙動憑

欄素月圓市薪勞赤子轉粟上青天大吏誅求數將軍意
見偏麥牙霑細雨雲鉤向平川守令徒虛置生民甚倒懸
叩門昏索婦繫馬晝攤錢供頓誠無謂將迎倍可憐豈能
爲傲吏無術飲貪泉草屋藤花覆荒庭竹筍穿摩崖尋鳥
篆得句竦鷲肩物色冥棲叟陶鎔弟子員平平從署考落
落謝攀緣懶漫非才盡空疏愧腹便登樓千尺瀑遶郭一
溪煙鹿過巖扉下鴉翻古隧前洞深眠老衲臺迴接飛仙
勾漏求難得維摩近可傳朝藪臨爽氣夜枕聽潺湲蒼耳
僮初摘黃精手自煎閉門辭客熱投劾厭途羶偶賦梁園
雪曾叨醴酒筵築愁窮土木觀變蓄鷹鷂震主威難挾佳
兵氣最假華林穿乳贖鹵簿擁鈿鋌啟鬻方開市官人怒

奪權施施嫻禮貌鬱鬱勉拘攣司馬衰猶未田卿惠已蠲
喜功增郡縣習戰藉蒐畋尙主嘉儀備親藩曠典全河山
申世及賜問亦頻宣數比徐常異人非耿鄧賢儲椒盈八
百結客殆三千入座皆文若登堂笑茂先鬢眉何奕奕裘
馬正翩翩獻媚言圖讖徵歌沸管絃諸郎爭用事宿將怨
遺筌時事乃如此吾心殊怒焉知幾先引退顧影獨盤旋
小札咨良友深林味太孳賃春初變姓閒道望歸田尾大
終方掉雞飛且欲連廟謨徵詔急皇路使衣鮮六詔躑方
軌干盤阻叩舫移師勞跋涉抗議進封牋久厯防微慮安
容戀土牽射天忘順逆仇國取迤邐舐犢安能忍藏金總
浪捐出車雲黯黯馮霖雨漣漣入寇收巴隴傳烽達澗澗

蚩尤長碧漢殤鬼遍荒阡百濮充行伍三苗奉弭鞭隳城
焚困廩破壁取嬋娟嗜殺林巢燕怙非葉翳蟬乘機神憤
憤授略語縣縣紫雪軍中藥騶虞疊上穰縱兵弛紀律呼
酒把釵鈿近市無雞犬空村僅屋椽橫戈一柱觀牧馬萬
峯巔師老財兼匱民勞瘵莫痊驕矜王景略迫脅李青蓮
宛口江如帶瞿塘石幾拳愁聞鴉食子坐歎雀吞鱸剖玉
裝弓室裁貂飾馬羈老成憂悄悄批逆淚涓涓月落黃陵
廟濤侵黑時孺湖湘魚已竭軫翼彗仍纏侍從披霜入猜
防帶甲眠平生輕董卓今日效符堅廝養官名濫俳優笑
語妍沐猴工俛仰軒鶴頗翩翩問齒行衰矣灰身盍慎旃
揭竿長猱猱草檄雜星躔定策歸錢鳳偷生隱鄭虔威儀

誇復漢詞賦競思甄未見三章約徒傷百苦駢惡聞王命
論遑恤稗官編帷幄金吾贊兵符白面專萍鄉新築壘吉
水正鳴弦禁旅將深入天雄且學禪無能摧上駟何處覓
眞詮子玉空張楚荆卿竟禍燕潰圍身僅免追逐氣騰鸞
搗穴圖生縛登碑覬苟延名王親仗鉞宛馬怒噴涎白首
嗟遼豕青山叫蜀鵑奉辭須底定伐叛豈空還吳濶求東
帝淮南好僱佞攻心當瓦解濡足悔裳褰嶽麓寥寥雁湘
波站站鶯絲綸恢密網書札數叢慙縮地躬無措滔天石
可鐫揚舫風颯颯射獵草芊芊燕頷心猶壯雞皮體就屨
風流兼將相出入領詞銓僭號聊娛老郊天若中癩九章
翻火藻七廟薦牲脍象郡仍分鬻番禺恥屬聯邦堪橫海

瀛苑斷岳陽燼困獸沙邊突降旗水上拳霸圖看已已老
淚暗濺濺銅雀遺香履輶涼引絳鞭公孫空帝蜀莊躑躅
王滇餘子皆巾幗當鋒類筵筩燒營奔鳥道求活守牛踪
元濟應窮討劉禛絕洗滌褻旌閃閃束馬鼓齧齧系組
知難免焚宮怨未悛封疆還禹貢正朔逮虞淵郿塢勞封
籍窮簷省削股畫廊塵舞屨督井瘞歌嬾海甸全消蜃西
南盡息祇中興聲赫赫大武體乾乾淮蔡碑文健羌豸舞
羽躑得琳畱掌記收信免深研賤子歸茅屋長饒託豆暝
嬌兒驚瘁狀慈母泣華顛解帶驅飢蝨呼湯濯繭腓鵲巢
何聒聒蠶箔始娟娟無力闕三徑粗謀受一廬野舊遮牖
密飛漚出林過地僻人淳朴峯迴勢蜿蜒汎溪搖小艇尋

友賴輕篔雨拾科頭菌盤飧縮項鱸山僧偕杖履鄰叟對
栝栳土鼓喧春社香秔趁晚餽詔書農父喜巫覡楚風沿
故國江干渺歸帆夢裡仙冥鴻無近羽宿鷺避飛湍大隱
還披褐深山好放犍柴門饒釣石長此藉芳筌

彭蒼水珏

四首

珏字蒼水秋水之弟嘗從其兄子嵩大令琦官湖
南寧鄉大令卒貧不能歸兄弟同家於楚遂占籍
爲長沙人著有南北史分編詩亦見劉茗柯進士
江左流風集茗柯爲文恪公諸父彭氏所出也

衡陽亂後別黃次柳

痛飲衡陽酒高談畫虎空且從黃石隱莫送柳州窮雷雨

瀟湘夜干戈草木風移舟一灑淚歌哭不言中

亂後喜晤外甥劉西廷

牢之之外甥青田今再生

自注西廷誠意伯之後裔

探幾無出右苦戰

不知名莫倚酒徒慣須防銅柱傾男兒識時務沈醉惜荆

卿

飲許文斗江亭

原注文斗江寧人

水涵鄉心窄霜黃細路多閒來一悵望老去奈情何漠漠
遙空雁聲聲上瀨歌故園杳無際盡日話煙波

登木末亭

木末山頭百草芊三年讀史問蒼天雲蘿高塚猶生氣樹
落寒風已颯然塞北黃袍新得主江東白面正籌邊當時

空有金川寺燕子飛來倍可憐

彭警庵所五首

昕字大采自號警庵世居江南溧陽父琦官湖南
寧鄉卒後貧不能歸卜居長沙東城構春菴堂以
奉母遂爲長沙人有春菴草堂二存稿

移居後感賦

過門驚誤入得失那堪論關地爲蔬圃誅茆遠市塵卑栖
慚奉母小隱足怡神寄語梁間燕烏衣巷轉深

除夕感懷用元微之放言詩韻

非關遷謫亦長沙空憶萼羹湖上家也學書雲瞻曉日先
從話雪聽昏鴉柳垂冰鍊還愁凍梅折風枝不厭斜兒女

團圓聊卒放，夢迴池草隔天涯。

饑驅休怪絕裾頻，三尺油囊負米身。否極定知春有脚，儲

空難免甑生塵。浮湘又擬操雙槳，出塞無從託尺鱗。

自注西亭

久無家問妄念蠲除垂老日，風懷澹蕩一詩人。

義命於今強自安，人心高下比層巒。冰山見日形俱化，蠟燭臨風淚不乾。當局自難思退著，迴車方是息爭端。老來守歲無他事，戲舞萊衣分外歡。

省墓

履霜奔曉渡，雙槳破寒漪。十里路非遠，衰年步較遲。飢鳥朝覓食，落葉早辭枝。彌目增悲愴，招魂奠一卮。

劉贈公或

入首

或字葆光長沙人以孫權之官贈東閣大學士著
有自怡軒稿

新春雪中和韻

布衣聞達本無求可笑忙人累不休落落半生甘自棄鏗
鏗一刺未輕投只將濁酒酬清興且和新詩送舊愁他日
扁舟湘水上垂竿風雪老羊裘

新秋次家壽山感懷韻

連宵風已作秋聲深坐搖搖羽扇輕螢點暗穿花影動草
根時遊砌蟲鳴簡書兒輩承新命道路衰翁繫遠情自注
時次
兒應四川入簾之聘旨
暑陸行余心不無繫念
夜半空庭支小榻臥看孤月似冰

清

雪中懷次兒澤用放翁示子聿韻

牽蘿辛苦葺茅茨，脫粟荒飧幸免饑。久病漸親高士傳，老
懷酷愛放翁詩。名非分得逃仍愧，貧是家傳受不辭。屋角
梅花開更好，鉤簾蓄句憶吾兒。
自注：庚子冬雪中，和次兒詩，有因隣屋角梅花，凍時

把湘簾一上鉤之句

懷家三兄

自注：時在浙西，監司幕中。

吾家叔子滯天涯，夢裏相逢道路賒。留滯他鄉因侍母，飄
零故國竟無家。春風幾惜荆花發，秋日遙憐雁字斜。莫謂
長沙爲異地，先人邱壟在長沙。

掃墓吟

自注：先大人塋在沱市西二里許，卽昔年遊兵地也。壬辰元宵前四日，或往謁舟次沱市。

步至先塋拜掃，因過楊玉雲昆仲並訪舊館人王禹臣叔姪酌飲盡日而返。

野草黃沙土一抔年來封樹更關憂荒涼氣象還如舊八
歲孤兒已白頭

掃徑

傲骨支寒尙可禁醉餘擁篲發孤吟風吹落葉無人掃幾
日階前兩寸深

許氏江樓遇雨

元度老人樂山水虛樓西面翠微峯到來多是浮湘客同
醉楚天煙雨中

北風吹起浪花肥檻外輕帆若鳥飛想是湘靈畱客意爲
雲爲雨滯人歸

劉西廷戡

五首

檄字西廷長沙人彥兄有巴山辰秋雙江等集紅
雨樓稿

秋感

一去秦淮又越州
雨花桃葉夢中遊
歌傳玉樹遺風在
草滿鍾山王氣休
金鼓關河空百戰
袈裟雲水尙孤舟
可憐王謝堂前燕
猶自雙雙覓舊樓

贈吳門沈渭叟

渭叟詩名大南遊
著作多精神
消筆墨鬢鬢老
關河醉裏常書壁
愁來獨放歌柴門
如可去莫向釣臺過

初三日登岳陽城口占

憑城一望盡湖光
壁壘依然舊戰場
雪擁千峯凌翼軫
江

流九派滙瀟湘傳書有井迷衰草鼓瑟無人怨夕陽此地
承平三十載閭閻猶自半荒涼

再登岳陽城

山城斗大古巴邱雪霽衝寒又上樓縱目豈能窮彼岸關
心何處辨神州乾坤納納浮無定江漢滔滔此上流不向
危欄高處望那知身世一虛舟

春雨口占

芳樹新鶯舌尙柔今年花事雨中休苔痕漸覺添階上柳
色慙他怨陌頭妾念莫思收馬骨畱賓何惜典羊裘故交
落落嗟無幾得意何曾是舊遊

王曷功放

四首

放宇曷功衡陽人而農先生長子與弟啟齊名著
有詩經釋略詩不多見

桐林鋪望梅龍雨霽

梅雨行不息因之思碧山片青忽迎目悠然清心顏峯樹
無改色滌滌整綠鬢飛雨復何來遽欲掠其閒幻化豈有
根微心終自閑

謁祖塋詩

原注丁巳冬同族衆婦東洲上祖塋并
哭拜先孺人塚放甫二歲而先孺人卒

小舟沿宿莽故岸記相尋風雨杯前淚泉臺膝下心芸香
憐蠹冷劍氣看苔侵弱羽悲鳴苦言愁早自瘖

賢侯銘舊德祖志斷碑尋湘水前人帶嶽雲後嗣心帝嵐
山氣澹岸葦曉霜侵遺槩誰能茹來茲念我瘖

生小從離亂荒邱近可尋碑存當日蹟淚識邇時心馬鬣
何年立松楸保勿侵死生無限感非哭柰聲瘖

秦船山先生原配陶孺人生歿二歲值家難以
哀悼死先生有悼亡詩四首又有陶孺人像贊

陶補倉端五首

端字天石號補倉寧鄉人康熙中拔貢著有茶村
集西谿遺草補倉爲密庵先生孫幼與兄烜濟名
其詩散佚殆盡今止從詩的及方志中得近體五
首大抵應酬之作恐非其至也

夜坐

薄醉閒敲句春寒晚覺添小梧青鎖院新月白鈎簾酒意
詩中出琴心花裏潛今宵無限思好夢不須占

嶽麓閣上望雨有懷

昨夜聞鐘後風來月到門誰將斑竹淚翻灑嶽松魂落葉
填荒徑寒鴉滯遠村亂雲飛不盡愁緒不堪論

王明府邀遊裴亭歸集望陸軒作

裴亭登眺盡知名老客芒屨逐隊行辭磴攀躋藤杖穩松
陰憩息午風生詞人共放看山眼仙令全刪作吏情更向
庾樓鴈且詠千秋韻事許誰京

依韻送別劉慎旃司馬還長沙

李杜文章卓魯才對公懷抱亦欣開孤城但見煙霞滿五
馬如尋山水來閣夜秋聲供嘯咏江州詩酒許追陪相期
旦晚膺綸召仰看雲開赤鳥迴

高陳會侯過訪

庸庸一叟老湘濱誰向柴桑問故人
裘馬少年能念舊悲歌往事獨披真
牽蘿正補茅簷破對客偏逢夜雨頻
肯爲兒曹同討論菊籬樽酒不慚貧

陶松門烜

十七首

烜字奉長號松門寧鄉人以廩生入太學考授州同充安勤王府教習與弟熾齊名嘗選國朝詩的與鍾譚詩歸並稱獨其石谿詩稿散佚徧索不得僅從詩的中見其附存詩三十首已爲刊入資江耆舊集暇日覆閱頗不愜意復爲刪節因思詩的之選深措雖多榛楛未翦未必非職此之故也

燕臺感懷

慨慨慕遊屐所向在四方燕臺數千里山川阻且長去去
復去去拭淚別高堂人生重遠闊天地爲昂藏平臺收賤
士披褐襲蘭香爲守先賢訓直道以自強

鸞鳳鳴高岡鬱鬱思其羣棘枳匪所棲眷言懷蘭薰偶然
一失足毛羽何紛紜宋人寶燕石此身焉用文

中庭有檣樹結實何纍纍抱此一寸丹含英待其時冉冉
秋陰至竊恐霜風吹采采已盈袖難以慰所思

有鳥從南來翩翩竟所止偶爲虞人得翎戢雕籠裏飼之
以稻粱同顧集悲喜奮翼思翱翔迢迢望故里

苦寒行

幽燕邈窮漠氣與炎方殊值此三冬候霜雪無時無朔風
吹大野木落草盡枯雁至不舒宿相顧爲南圖如何遠行
客反若條其斂去翼不得附仰視徒躊躇蹀躞御河水百
尺光如瑜凜冽從中來直欲刺肌膚何處輕裘子馬羈飾
豹騰所養卑賤役亦復蒙糶瑜我編不蔽胷出入王公樞
謬忝詢前席懷古思江都貧賤非所驕不耐吹齊竽衝寒
弗自顧鸞琴呼酒徒賈須昔已沒故舊胡爲乎且盡杯中
物帶索歌烏烏

過上湘別龍簡卿

在昔賦梁園遊屐常萬里眷彼瀟湘間十年懷未已今冬
始過從木落寒風起前輩半凋零何許深仰止巍然魯靈

光先型誰足擬徜徉詩酒閒幾微辨深理白雲惟所怡時
據烏皮几袖中一寸光摩挲照湘水在湘豈無魚采薇足
甘旨珍重歲寒心藜光照青史

六鏡詩爲紅蘭主人作

吾生炯炯杼雙瞳中原大半歸目中少年志氣不肯下擔
簞負笈如飛蓬常年貧賤不足論一經猶在徒苦攻十行
齊下媿未得風雨夜半來濛濛鐙下蠅頭筆如埽與人角
勝非草草只今猶自看屋梁白眼低垂亦殊好西方製作
聞奇特擊碎玻璃補眼血一線精光灼有神透穿紙背秋
豪別吁嗟人既不可醫鏡光一去眼光絕

人生役志難遠圖知短眼窄成侏儒嗟哉尺寸不得拓面

臨無計徒躊躇如何此鏡獨超越睥睨天地亘不竭一寸
玻璃入表光山河歷歷星辰揭屈伸長短製更奇波斯合
眼如琉璃電光熠熠服在遠五色炫耀何能迷君不見管
窺之見亦何狹對此真令生顏甲安得長擗矚幽遐英雄
物色在眉睫

玲瓏有鏡玻璃琢凸凹鱗鱗費雕斲匠心獨運巧益增亂
人神志多斑駁人身兩目如雙丸眼前黑白滑清濁笑擬
文殊百億身嶄然各自露頭角月落萬川同未同返形斂
視存吾僕世事浮雲何足多鏡中面目皆龔龔

君不見涓涓之細能幾何沐日浴月成江河又不見星星
之照等螢火燎原烈焰無完柯古人朗識誰與絜防微杜

漸慎蟻穴以小喻大理自堅履霜之戒何明哲鏡中一線
光離離頓使兩目大如箕秋豪直欲現山海細瑣伏匿終
洞窺長安道上多車馬半屬屠漿半都治莫持此物照夜
郎夜郎自大胡爲者

出都曹別諸友

按此詩亦見明雪集

塞北征鞍有執爰一塵冷落愧長驅勒紅輪與新花樣獻
業終疑小丈夫鳴不向人車絆驥詩能泣鬼夜嘯烏行藏
莫嘆長安道七尺飄零任鄙儒

過東筦喜晤陳元孝先生

南海衣冠氣已奇飄然物外見丰儀未能俯仰偕流俗但
有詩歌紀義熙問字好看庭屢滿登樓誰許客同遊中原

蒼舊今餘幾落落晨星首共推

雪中尋岳陽樓故址

掌大冰花凍未融荒臺獨上似飛蓬樓歸劫火千年後人
在鴻濛一氣中但有濤聲聞古響絕無醉客倚長空君山
已沒何須剗欲辨湖光迥不同

岳陽署中留別孫含章

天空木落洞庭波歲晚寒風滯小舸客裏冰華旬日積城
頭山色一拳多何期作賦逢孫綽肯爲憐詞惜志和從此
巴陵不須醉對君常勝飲醇醪

次韻答劉元叔見懷二首

頻年無計客東西但爲饑驅氣總低頭上髮痕俱似鶴口

中肋味已非雞幸多好友能投句聽說中原又鼓鼙我輩
側身天地老那堪長笑復長嘯

淩雲健筆最超塵好句還知志物真偶似縱橫成策士絕
無依傍肯隨人心當孤憤常呼酒寒念同衣數咏貧咫尺
微堂隔霄漢待君今已滯三旬

寓中元旦和元叔韻

來日春風又打頭江干重理舊羊裘時聞北闕方求駿家
在南山且飯牛年例競趨如鷺走人情大抵習葦柔柴桑
幸不成蹊徑松影常依杜若洲

謝帝颺天墀

三首

天墀宇帝颺號薌泉湘鄉人康熙閒貢生著有夢

草亭集百卷

暮經金正希先生故宅

秋水遶六溪秋雲黯澹白鴝鷓趁暮嘯疏螢映南陌草市
闕無聲蓬蒿隱荒宅鐙火漏餘熠微月澹魂魄乾坤厄陽
九節義刊金石龍去髯難攀鵠嘯血化碧風騷嗣三閭哀
怨留南國

水簾洞觀瀑

水簾洞上壁雙聳峽風怒起濤光湧疑移滄海上南山天
吳鼓舞馮夷勇峽折雲霾萬古秋中通一綫走蛟虬巨靈
斧削從雲下倒接銀河天上流流來石上平鋪面斜挂珠
簾不可捲石痕逆折蹙層紋搖曳空中光閃閃卷舒斷續

因風吹東垂西，絳石爲之表裏中。邊皆洞徹銀鉤欲控，不能持。又如霜刀剪冰屑，大者奔雲小墮雪。日光晃晃漾漣漪，一幅絞綃裁不得。鮫人怒向此中嘯，千斛萬斛落玉絲。大珠小珠拾不盡，散作天花空際飛。靜觀石上森毛髮，拋毬濺玉鳴滑滑。坐久涼生兩腋風，滿山空翠搖寒月。

自後山上南天門

全憑芒屨破蒼苔，望盡天門一綫開。人語似從天上落，鐘聲疑自日邊來。半空瀑布晴飛雪，絕頂松濤晝殷雷。翹首雲岑高著眼，南州點點辨塵埃。

龔外臣仲文 五首

仲文字外臣，巴陵人有天與樓詩集。龔氏爲竟陵。

舊族外臣生長天門幼好奇計讀書稍攻舉業以
西山寇棄去從戎喜詩嗜飲落拓風塵中年後愛
岳陽之勝遂卜居爲巴陵人其曾孫立海與余識
亦能詩

澤畔吟弔屈左徒

君山黯碧愁雲溼噪陽羣笑猩猩泣靈風神雨橫江來楚
纛游魂亭亭立貝宮骨冷魂不死芳根迸斷湘蘭蕊夢澤
白茅與天齊荃蕙葉蔬辨誰是盲瑩淚乾竹斑老土花漠
漠埋芳草血痕淪地黓劫灰何處青燐凝瑪瑙雲和澀調
不忍彈江月有聲瘦蛟寒婢慘澹遲北渚怨魄空聞爲
余嘆冰夷傲睨不可訴冤威號咷靈胥怒幽憤抗詞動紫

皇鬼巢翻傾元精鑄九章悞儂復惱公南國哀響中古風
輶軒折軸素王萎來者矜能注魚蟲我願洞庭水化爲巴
陵酒長虹爲舌南箕爲口噉吸隴胡虬龍乳涸澤紛拏龜
鼈走讀騷不須更問天玉棺纍纍葬神仙

臨湘春獵記事

曉起閒功課張弓出柳營芳原驕駿馬春日暖紅纓載酒
隨村飲蒐禽帶野烹笑歸山下路花上月纔明

岳陽中秋夜集飲達旦

薄暮停殘雨筵開月正明花香分酒氣雁陣達秋聲不覺
添衣冷難忘永夜清那知杯在手簷外曙雞鳴

山居

立秋不就賦 歸來爲覓雲窩自往回結屋披風刪細草補
牆和月築蒼苔只緣功徑多人到故築松門對水開雅欲
抱琴山外去怕聞猿鶴叫聲哀

遊白鶴山過岳忠武祠

遠帆多帶暮天霞水廟蒼涼白日斜細石軟沙江岸路春
風開遍捲旂花

沈湘耆舊集卷第五十九終

沅湘耆舊集卷第六十

新化鄧顯鶴湘阜編輯

長沙毛國翰青垣校訂

王虎止敵

七十八首

敵字虎止衡陽人而農先生之子康熙朝貢生虎
止稟承庭訓學問淵博操履高潔時藝尤有盛名
與邵陽車无咎補旃王元復能愚攸縣陳之騷桃
文稱楚南四家又有稱楚中三王者謂虎止與能
愚及漢陽王敵伯毅也潘原書先生宗洛視學吾
楚時延之入幕校試卷與宜興儲大文六雅友
善船山遺書得入史館立傳儒林者皆潘儲左右

之力也晚築湘西草堂著有燕畦存稿笈雲草譜
書學者稱爲燕畦先生詩力樸老都無淺率語

感懷詩

吾宗發邗江奮武昭勲最嗣世申龍錫湘嶽盟帶礪武業
中式徽文心宏錫類穆惟我先公六經發蒙昧子史析微
芒詩騷建宏幟傳書待其人函井心無旣撫族慨凋零綜
緯示苗裔洪源誰嗣流集木懷枝莽吉人深屬望世代傳
支系物恆守家訓誦讀培元氣四海皆弟兄恭禮實連綴
一樹紫荆花忍使分榮悴孟晉以迷羣仁者繼其志併倚
瞻山雲臨風振涼袂

冬興

丹楓何旖旎秋色未全無朔氣生空煙寒雲與之俱白日
悠然來芳草誰爲腴黃花過雨薄蒼烏迎晴孤愁并秋冬
際病惜輕賤軀蕭蕭遡商風中情翳何如

磊石山

巨澤渺無垠遙山黛難指杳靄迷煙雲徬徨蕩空水日影
搖萬金風聲唯一駛渙滓合浩然升沈聊莞爾汎汎雜鷗
鷺溶溶潤魴鯉北渚抱遐心憑誰邀帝子

麴洲

理棹登芳洲屣步尋幽徑客子澹忘歸居人歛相問綠柳
夾道栽清泉傍畦映柔梁雨易傾弱蘭風未定曲曲蟲語
喧亭亭烏枝瑩疑有幽人蹤允惟達者靜

黃鶴樓

昔聞黃鶴樓今極清江目昨夕生秋風蕭條景相屬偃醉
甯有蹤士醒良勿告長湍激鸚鵡小渚閒鷗瑤大別映遠
清寒光淒以肅暝色生秋洲餘情眷芳陸

雜詩

礎潤知天雨星搖知天風風雨不可常幹運無終窮達人
識幾先趨避審所從知哉老氏言天道猶張弓
有生必有盡大化良其然無懷千載憂人生誰百年夜長
聊秉燭熒熒生青煙步檐看斗樞良夕仍東旋

秋初游邵陽城西酒園有作

青山不可盡古郡環資川暑氣息連雨山容澹輕煙良辰

策芳枝舊好相追旋長吟西門曲迴首城南天
天容秋始澄覆釜幢碧圓舒襟愜所賞縱論忘
蹠筌徒倚日藏松友云歸可適置君桑落酒理
我桐上絃鳴絃有希音酒酣無俗讓適志御清
風冷然謝拘攣

吳興季翁簡九垂弔先大人塋遂約共游燕趙唐躬
園力爲阻行有作述懷

子子蔚莪生悠悠風波目白髮已盈顛紅塵日銷骨眷言
思遠道有客勞杼錄慰我煢影孤貽余蘭佩馥爲言燕趙
士忱慨相馳逐胡爲守荒林寒煙困空谷長劍宜有贈囊
錐焉可禿且作連騎游勿爲握粟卜老友貽書來君行勿
太速先人留遺書大命曾申囑未解卜升沈當先念傾覆

兀坐望飛鴻遙心虛遠屬

埽南嶽王父徵君墓攜庵僧游黑沙龍潭有作

憶昔卅角時游戲雙髻峯在嶽不識嶽唯聞潭有龍迄今
鬢已蒼遙憶如夢中因拜徵君阡攜僧訪荒蹤曲徑多碧
草經霜尙蒙茸逶迤下懸崖飛鳥出符叢雷聲忽轟訇日
午寒曠隴石門一道闢白練飛長虹激水不可挽直下傾
龍宮龍蟄幾何年名蹟昭沈雄潛德竟已確盼蠻誰爲通
我來搜奇賞滌蕩愜微悰俯窺若有覲倒影披芙蓉一鏡
斂蔥翠百疊涵沖融奔龍方馳驟靈冶歸陶鎔斜暉睨蒼
茫徒倚憐微躬藏舟誰負趨就此問鴻濛

董君達年八十矣以章大司馬祠碑及陳烈婦碑文

遠來相訂并示以載謀公子及公孫近札遣使入山
道繚繚之意以期一晤作五言長詩答之

文淵負壯概睥睨上金鞍壯士報知己垂老心彌丹千秋
沔江水照客鬢與顏霜鬢不負口霜顏不愧天鰲翁何偉
岸鳩杖探嶽蓮言溯漣江舟貞砥立墓田更爲丞相祠萬
古嗚春鵬乞言垂不朽千里雲容盤疇昔抱此志踐之心
始安憶昔弱冠時逢翁戎馬閒言偕章公子避地入寒山
先君稱執友往事述仁賢丞相迴落日桑榆摧霜寒翁爲
門下士鋒矢護完棺孤臺哭謝翱貽詩弔王磐秉彝有同
心言返吳江撥翁志旣已酬溥游俠土壇俠士葬郊麟列
女悲貞鸞上湘陳宜人抱志沒漣湍至德必有隣水怪匿

神茲洲擁烈婦墳波激壯士肝翁來爲挂紙淚灑靈石頑
貞烈永千古翁名與之傳昔歲翁重游余棘方顛連握手
湘岸樓落照春光闌翁復弔船山山陽淚潺湲及今奄七
歲迢迢望湖淵兩涉洞庭秋新隄泊晚煙伊人不可見兼
葭徒茫然忽傳翁復來老使攜良翰一爲公子書一爲公
孫箋一爲祠碑文一爲湘娥絃一敘七年別一訂重會緣
嬰鑠哉是翁悠悠睨蒼旻古道方照人走晤甯碎艱秋風
吹我衣因君感蕙蘭

按章文毅公曠華亭人保障湖南備極勞瘁以憂
憤卒於永州陳夫人則其妾陳氏也公死有武夫
要之陳赴水死湘人葬之漣溪東岸大水衝齧
溪岸墓獨無恙詩云洲擁烈婦墳蓋紀實也

庚戌五月臥病石鼓山和呂黎韻述懷時偕宋席雲

修邑乘

長史翼麟經千秋稱良左班馬繼後塵魏姚拾殘唾嗣起
六一公可稱參貳佐直洗百斛塵不重千艘貨南宋與金
元企望孰能過如何墨瀋餘能免筆鋒挫晨華經久萎于
唱噪喁和猗蹤沙畫梅雞濁泥印个文心無曲折琢字成
磊礪黑夜幻魁形白日令人臥可知鳴豫窮未受擊蒙課
洗硯不能淨含毫遂無那我生虛歲月垂老益衰懦惡乎
名可成甘爲世所播綠戾早戒寒吐棄晚成餓以此老馮
唐貽嗤少李賀吾友志矻庸疊牋促警惰食肝安邑館攜
杖明府坐楚機敢修明晉乘理殘破加餐不努力汗浹苧

衣澹

按此等詩原可不存以宋席雲先生故牽連存之
席雲名勳齡衡陽人初師其父之素梅巖父子皆
有名爲一時儒碩席雲又以歲貢生與其子士莊
同中式康熙庚子科湖南鄉試舉人時年八十有
四有明心堂集未見方志載其爲督學習公教思
神頌畧云山清必峻珪方不圓夫子造士雨化南
天如衡高聳如湘清澗棠樹思茂衣欲牽新進
舊拔侍韓碑邊夫子曰嘻諸生來前與其懲余盡
服先賢不自修省轉益余愈命不敢違情不能捐
敬書規訓紀實附鐫計席雲作頌時年已九十五
矣習公名寓字載展吳縣人康熙戊戌進士以雍
正四年丙午來督湖南科試至九年辛亥始受代
去前後凡六年歷科歲四考公明如一任任晉左
春坊左中允去衡之日諸生謀勸去思碑於石跋
書院公周辭命以其石大書深刻朱子白鹿洞規
而席雲爲頌詞如左公培植人材獎誘俊進如不
及在湖南六年拔取多寒賤先大父松堂先生因
童子試久爲文思致古淡人尠識者公一見決爲
老宿取充縣學生時年已三十有
二矣因記宋先生本末附識於此

嶽行石門道中

望嶽何崔巍入嶽多迤邐曲徑迴清溪霜草猶薶蘿遠石
如聚鷗靈崖控奔兕蒼壁剝然開幽谿望雙峙穹梁疊懸
虹屣危不可圯上有叢篁生高露沐若洗棲鳥忽一鳴遺
響鏗然止轉徑望平田王喬脫雙履仙逝甯有蹤懷古方
未已聞道既無期涉世成紛詭經此昔髫齡往來奄暮齒
良日逝金烏何年餐石髓蓬心如轉轂蓮峯瞻踰咫山靈
忽媯然夕煙舒矯旒

夏夜

暑氣亘昏旦夕光乍清迴露坐風生襟月沈星在影寸陰
逝不畱道遠懷空永曩哲不可攀徒聞燭當秉

春日舟中

迴舟方極目急雨晚來過忽聽嘯鶯遍其如芳草何短吟
還自和酩醉不須多未有濯纓侶同誰賞綠波

夏杪過擷翠堂有作贈主人唐如心

久作披襟契今諧避暑遊軒容來翠疊徑草接芳洲爽見
南山趣煙無北渚愁平生疏懶意相卽謝淹留

嶽趾分蓮碧湘臯接菡香柏欹花影翠菊覆蘚陰涼舊茗
開鸚舌新粳設鯉湯勿言澆醜磊相對已成忘

二月山中卽事

萬壑遞層陰光分一徑深草叢閉徧雨雲破見歸禽奇石
呈幽賞鳴泉懷好音林端清籟發適伴越人吟

秋日遣病

一病隨秋老，
兀然且獨歌。
柴門談侶散，
落葉晚風多。
髮向
兵烽白，
愁添畫夢訛。
黃花開爛漫，
歲晚奈君何。

客如心，
擷翠堂三載冬盡，
留別有作。

投劾慚孫寶，
貪金笑管生。
刻鳧原不類，
賣菜儘求贏。
涼夢
悄悄惜芸窗，
款款明三秋。
猶昨夕涼雁話，
羈情
幾日瞻迴斗，
長暉又岐嶮。
藥鏞消歲月，
庭草送炎涼。
侍立
誰深雪，
周行舊履霜。
聊堪謝知己，
隱几任清狂。

月夜

不辨霜來際，
霄容瑩可憐。
碧涵千嶂月，
燒入一痕煙。
籟靜
冰難合，
星疏斗易旋。
天高疑可問，
吾欲揖癯仙。

飲

作客拍難卻傾觴醉不辭公榮休獨醒阮籍果吾師衆勸
連浮白吾言出卽卮勿勞人荷鋪花月自相隨

食新

又逢新稻熟呼罩子魚肥糴賤占香淺租蠲減吏威柴桑
方勸穫曼倩不愁饑牛背鴉棲穩斜陽一道歸

暑歸

暑歸天易雨雲散夢還驚破屋梁垂溜披衣漢正橫娛情
看浴月洗耳款溪聲良夕襟方豁墟煙岫欲平

寄章公子載謀

惻惻望河梁思長怨亦長廿年春似水羸影曉憐霜天末
懷知已山中冷夕陽升沈誰與卜翹首闕蒼蒼

旱

歉歲仍憂旱微涼又早秋雲生僥作意天老不勝愁萬井
哀飢疢繁星聚贅疣帝闕誰與達引領問牽牛

懷朱旦復

舊游成隔絕憶子獨清狂秋老蘭應賦春歸草尙芳曩懷
餘耿耿涼景閱蒼蒼醲熟勞儲待疏糲入夜霜

雪夜邵陽曾氏齋中

託跡隨羈雁閒吟和壁蟹酒闌今夜雪鬢入幾年霜老歎
生涯拙愁餘風味長子綦聊隱几朔吹響幽篁

郡還曉發

半林日影劃霜痕瑟瑟微風澹不溫雉堞隱喧聯古市鷺

汝濱者有集 卷六
行掠靄認前村不堪白面酬知已遂有青山到華門前路
酒帘消一醉桓伊山下滿朝暎

蒸江秋興

秋花不隨秋葉飛秋病不如秋興違魚龍已蟄波戢戢
蟹交咽涼依依楚人善怨休懷古魯酒適醉聊忘歸西清
邀得雙飛鳥輕颺餘霞下夕暉

壽可峯上人

閒雲不滯自踟躕老衲無心記海田下澣試晴天未老中
秋應住月常圓黃花如節參予句白社尋盟訪夕煙莫惜
年來顏已皺丹楓新影在清泉

九日

九月九日潭州城隍錢買酒鮮鱸烹人生不醉真無緒
送將歸較有情容易白頭新浪湧差池青眼舊山明舟人
罷棹息前渚臥聽羈鴻三兩聲

舟中

清狂不似少年遊潦倒還禁做客裘京口驛前吟折柳岳
陽城畔憶登樓金波月颭魚龍夜水國風寒鴻雁秋屈指
山中新釀熟黃花應笑客淹留

青鐙

主乙羣書齋費股渾忘小鏡鬢先斑瓶花未落供微笑老
齋無心食大還斗室儘堪容世宙紙窗原不礙雲山陶然
自適青鐙下風雨良宵滌綠鬢

贈海羽見赴選

長日寒窗靜曉鶯忽傳剝啄舊遊聲十年車笠通新誼千里雲山瞻遠行老學尙懷袁伯業風流猶感謝宣城好音酬我山中醉新秫初登聽雁鳴

竹園漫興

休驚怪事熟齋諧莫效呻吟怨楚懷劔客忘生應有術酒徒未死不愁埋殍人思緒黃昏候對菊心期白露開漸覺世情參欲透三彭相契說形骸

去日驚心似昨辰斗杓盡亥始迴春蜉蝣不信衣能燠罔兩還同影共親反舌無聲蟬代訴子禽歸去雁來賓悠悠風雨添閒思道阻無勞憶遠人

永興舟中晚觀音崖上有彭禹峯詩榜尊三因次其韻送同諸友和之

偶爾貪奇費化工懸崖於此現聰聰
斷山忽曳東流白斜日方馳西塞紅
俯首怒猊長水底引吭仙鶴想雲中生
泥好向六如識五月沙蹤感雪鴻

邵署驚秋和勞尊三

葛衣洗做逐師旌暫快秋生夜轉清
自耐鈍頑三折臂幾人生死一朝名
風披瑟瑟青山骨月照蒼蒼碧漢晴
得句不堪廢宋玉淹留迴首歎無成

人日

羈衣初卸冷蠟屐且探春爲喜宜人好
寒花莫妒人

待友

小立閑階外凝眸日已西
稻苗深一尺中有水禽唳

觀潦

欸然萬湍怒何處靜汀殘
白鷗閑早慣故緩上灘飛

采蓮曲

西峯看落日女伴莫先歸
蕩槩花深處鴛鴦不肯飛

初秋西窗

蛺蝶不知憾達窗仍自飛
迴眸驚昔影扶病補寒衣

夢

無緒探蕉鹿多情問蟻柯
窗櫺日影下鶯聽曉鶯歌

夕

夕煙空翠閣
婷婷波南渚
矚眼散輕風
閒心消片縷
夕氣澄如許
朗吟陶令詩
停雲凝北岫
歸鳥憩南枝
倚杖登邵陽
城東雙清亭

江流不自今
崖石森然古
石上生綠蘿
江邊慣風雨

大雪

一夜倍添寒
十年無此雪
撚髭莫遽吟
凍竹聲方折
漫逐尋童戲
翻嗤老大頑
不愁春似水
且聚雪爲山

八日邵陽道中

和風初被徑
微露已含苔
鳥語傳梅塢
微香隔澗來

雪

片上築孤庵
先人積殘夢
古樹覆茅檐
蕭蕭北風動

手題續夢庵白魚蝕青字一晌萬年心誰作西臺記
潭雲如墨與山嵐如聖砌愁殺出山難入山未容易

人魚聲如鴉聒耳不成寐潭下蟄龍心莫念人閒世

自在土內

有聲如寒鴉僧云
名人魚立冬則呼

待負千莖草遺成一尺階明年雙燕子好認舊山來

偕觀生居舊游訪唐躬園飲石鼓

五載成茲聚三生話未長江山聊極目今古此瀟湘

怯醉還須醉言愁始欲愁發端推謝朓莫唱大江流

散影日初下日歸風滿衣紅霞吹不散隻影下殘暉

鄂州雜興

落落年將老駸駸歲又馳大江流日夜聞誦古人詩

未有初蘭侶空懷求友心棠橈迢首處鷗鷺滿江灣

客館與敬渝夜話讀其寄弟作率爾和之

百里驚哀雁三星照鰭魚終宵蠅技熟悲誦魯連書

雪齋

木介千條卸始和櫛陰柞蓋老松柯請看坳外冰消早何
似山中綠樹多

蒸江竹枝詞

蒸江之北鍾武城蒸江之西大雲橫城記古丘今已廢雲
飛朝起暮還平

無槳無柁蒸江舟有草有花蒸岸秋宿鳥爭棲斷楓樹大
魚不上斷磯頭

清江雜錄卷第六十一
蒸水南流七十灘故城雙水合重安魚遊灘底搖鬚穩
立沙頭著眼看

村女簪花接鬢灣村郎載米市鹽還蒸江兩岸青青竹不
到瀟湘不肖斑

蒸水魚舟快似梭蒸江漁父喜高歌漁船自占風波穩平
地風波可柰何

醉芙蓉

素質旋看紫暈生漫言秋老不勝情白頭莫怕飛霜早醉
貯紅顏愛太平

元夜過翠濤先生洪山堂有作

石開鱗解時含澗松覆虬枝一倍柔咏烏柴桑常伴醉賦

雲宋玉自悲秋

傅成詳紀當年事詩授還明此日心丙夜然藜談草閣丁
甯折柳寄江潯

谷風颯颯窗前響殘雪森森祝嶺晞信宿明星情未極一
灣春水憶漁磯

邵陽縣志載杜湘娥詩十首止存其五湘娥武岡人
丁戊遇兵亂死於漢水尸逆流入湘同諸友和之

二妃竹淚到今悲暮色湘山煙斂眉吟到曲終人不見峯
青應許月明知

挽羅得我先生

自注名若庸邵陽耆舊年
八十二全髮道服以終

披髮而今下大荒九天七尺自昂藏乾坤不曠都人士倪

缺誰編應帝王

子淵早喪庭香寂小阮先亡竹影寒八十二年剛骨立雪

松殊覺有心難

脈脈清明細雨天鶯囀送客倍淒然伯鸞殯寄臯生廡冷

釜誰炊奠九泉

別儲六雅

久向鏡中憐白髮初從月下倒清尊他年暇日容相念樽

襟湘西綠樹村

附錄虎止先生湘西草堂記先子船山記曰船山者吾山也故今之記湘西草堂亦謹記之曰湘西草堂者先子之草堂也先子自前崇禎癸未張獻忠陷衡後湘嶽之間三十餘年蓋幣踵至終全志節閉門著述迄成庚子乃徙居於湘西之金蘭香卜舍於采英堂初造小室名之曰以業廬遂營於

蒲植木九柱編篋爲壁次築觀生居在萊蕪堂上
易以茅堵尙櫛少容几棧越十二年再徙於石船
山下去觀生居二里許仍里人舊址築湘西草堂
因避漢氛泛宅數載後復歸草堂定經詮秩散稿
輯閒吟送王申而先子奄背教僅固遺書於座右
小而火災蟻蝕之害其震驚怵惕者不一也因
聚徒課業於其中迄敵年六十從遊者數十人豫
金爲余壽余受其金授子壻曾生重建草堂易瓦
以錄支椽以櫛練磚以砌敵年老病羸以餘年讀
遺書於其中而從遊之有志迄姻友之力者續
劖柏紅梅碧桃等樹成蔭簞籥幽篁成林而草堂
益爲都吳所共式逮敵年七十諸生復釀金如舊
爲余刊小草百篇小草者先後所成時藝此不足
傳而余不之卻者亦以諸君始終培植草堂之意
不可忘也後爲文付諸子孫讀
之者當如讀鴈鳩而三復也

沈湘耆舊集卷第六終